

Papal Brief granting Church of Saint Antonio Abate in Naples to the Order 1916

Ad futuram, etc – Quum anno MDCCCLXIII per similes litteras apostolicas die XXV m. Septembris piscatoris annulo obsignatas, Ecclesia tituli S. Antonii Abbatis Neapoli, quae pertinebat ad S. Mil. Ord. Costantinianum subiecta fuit iurisdictioni ordinariae Archiepiscopi Neapolitani pro tempore, vec, mem. Pius IX statuit et cavuit ut provisoria ratione id vigeret, donec aliter per Ipsum vel Sanctam Sedem provideretur. Nunc vero post nominationem dilecti filii Praesulis Ioannis de Sangro di Casacalenda in Magnum Priorem Ordinis Costantiniani, annuente ac probante hac S. Sede factam sub die III mensis decembris anni superioris MDCCCXV, opportunum nobis visum est, ut Ecclesia ipsa cum illi adnexa animarium cura, enunciato Ordine restituatur, Nos haec quae infrascripta sunt decernimus et mandamus. Nimirum de Apostolicae Nostrae potestatis plenitudine, praesentium vi, quae per superenunciatas Litteras Apostolicas statuta fuerunt, revocantes, atque obsoleta decernentes, dicto Magno Priori Ioanni de Sangro illiusque in munere successoribus, beneficium Abbatiale cum cura animarum S. Antonii Abbatis Neapoli, cum omnibus et singulis iuribus et praerogativis illi adnexis, eadem Nostra Apostolicauctoritate tenore praesentium conferimus. Verum praecepimus ut in exercitatione curae animarum ipse Magno Prior subjectus iugiter sit Ordinario Neapolitano, eodem modo eadmenque forma qua subiiciuntur ordinariis, Paroeciae in Ecclesiis Regularium erectae, itemque ut Equites Ordinis Costantiniani praesertim si Ecclesiastici, iugiter obnoxii sint proprii Ordinarii iurisdictioni, praeter quam in rebus quae stricto sensu ad Ordinem memoratum pertineant. Haec concedimus decernentes praesentes litteras firmas validas atque efficaces semper extare ac permanere suosque plenos atque integros affectus sortiri atque obtinere; illisque ad quos pertinent, sive pertinere poterunt, nunc et in posterum plenissime suffragari sicque rite iudicandum esse et definiendum, irritumque et inane fieri si secus super his, a quovis auctoritate qualibet, scienter sive ignoranter attentari contingerit. Non obstant. Etc. Etc.